

საკანონმდებლო წინადადება

საქართველოს სახელმწიფო დროშის გამოყენების წესის სრულყოფის შესახებ

ცვლილების სახეობა: საქართველოს სახელმწიფო სიმბოლოების გამოყენების წესის შესახებ საქართველოს კანონში ცვლილებების შეტანა¹

კანონის პროექტის დასაბუთება: სახელმწიფო საზღვრის შესახებ საქართველოს კანონის მე-13 მუხლის მე-2 პუნქტის შესაბამისად, სასაზღვრო გამტარი პუნქტის თავზე აღიმართება საქართველოს სახელმწიფო დროშა. საგულისხმოა, რომ აღნიშნულს არ მკაფიოდ განსაზღვრავს საქართველოს სახელმწიფო სიმბოლოების გამოყენების წესის შესახებ საქართველოს კანონი და მისი მე-6 მუხლის (საქართველოს სახელმწიფო დროშის აღმართვა და გამოფენა) 1-ლი პუნქტი², თუ რა თქმა უნდა არ მივიღებთ მხედველობაში ხსენებული პუნქტის „ლ“ და „გ“ ქვეპუნქტებით მოცემულ ზოგად ჩანაწერს და საქართველოს სახელმწიფო დროშის მუდმივად აღმართვის მიზნით

¹ ასევე იხილეთ საკანონმდებლო წინადადება (№1-1935/23, 06.02.2023) <https://parliament.ge/legislation/25722>.

² საქართველოს სახელმწიფო დროშა მუდმივად აღმართულია: ა) საქართველოს პრეზიდენტის რეზიდენციის შენობაზე; ბ) საქართველოს პარლამენტის შენობაზე; გ) საქართველოს აღმასრულებელი ხელისუფლების დაწესებულებების შენობებზე; დ) საქართველოს საკონსტიტუციო სასამართლოს შენობაზე; ე) საქართველოს უზენაესი სასამართლოს შენობაზე; ვ) საქართველოს ეროვნული ბანკის შენობაზე; ზ) სახელმწიფო აუდიტის სამსახურის შენობაზე; თ) საქართველოს სახალხო დამცველის აპარატის შენობაზე; ი) საქართველოს გენერალური პროკურატურის შენობაზე; კ) საქართველოს ცენტრალური საარჩევნო კომისიის შენობაზე; ლ) სხვა ადმინისტრაციული ორგანოების შენობებზე; მ) აფხაზეთისა და აჭარის ავტონომიური რესპუბლიკების უმაღლესი წარმომადგენლობითი ორგანოების შენობებზე, აგრეთვე იმ შენობებზე, სადაც იმართება ამ ორგანოთა სესიები, – სესიების მიმდინარეობის პერიოდში; ნ) აფხაზეთისა და აჭარის ავტონომიური რესპუბლიკების აღმასრულებელი ხელისუფლების დაწესებულებების, საწარმოების, ორგანიზაციებისა და დაწესებულებების შენობებზე; ო) მუნიციპალიტეტის ორგანოების შენობებზე, აგრეთვე იმ შენობებზე, სადაც იმართება ამ ორგანოთა სხდომები, – სხდომების მიმდინარეობის პერიოდში; პ) საზღვარგარეთ საქართველოს დიპლომატიური წარმომადგენლობებისა და საკონსულო დაწესებულებების შენობებზე; ჟ) საზღვაო გემებსა და საზღვაო მიმოსვლის სხვა საშუალებებზე, რომელთა მიწერის ადგილი საქართველოს ტერიტორიაა; რ) საქართველოს კანონმდებლობის შესაბამისად დაფუძნებული იმ იურიდიული პირების შენობებზე, რომლებიც უზრუნველყოფენ სკოლამდელი აღზრდისა და განათლების მომსახურების მიწოდებას; ს) ზოგადსაგანმანათლებლო დაწესებულებების/სკოლების შენობებზე; ტ) პროფესიული საგანმანათლებლო დაწესებულებების შენობებზე; უ) უმაღლესი საგანმანათლებლო დაწესებულებების შენობებზე.


საქართველოს პარლამენტის აპარატი
საქმისწარმოების დეპარტამენტი
შემოს. № 1-9152/24
27 08 2024 წელი 2

სასაზღვრო გამტარ პუნქტს არ მივაკუთვნებთ³ „სხვა ადმინისტრაციული ორგანოებს⁴ ან საქართველოს აღმასრულებელი ხელისუფლების დაწესებულებებს (შენიშვნა).

⇒ მიზანშეწონილია, რომ საქართველოს სახელმწიფო სიმბოლოების გამოყენების წესის შესახებ საქართველოს კანონის მე-6 მუხლის 1-ლი პუნქტით მოცემულ ჩამონათვალში ასევე ცალკეულად მოცემული იყოს სასაზღვრო გამტარი პუნქტიც.

საკანონმდებლო წინადადების ავტორი/ ინიციატორი
ნიკოლოზ ნიკოლაძე პ/ნ [REDACTED] მობ.: [REDACTED]
[REDACTED] ელ.
ფოსტა [REDACTED] მცხოვრები: [REDACTED]
[REDACTED]

27/08/2024



ვკჩ.წყოი ნესი რა კბ.კჩხბა, ვკჩ.წყოი მეწინიჩხბა
ჩკუნ სამყოითოსთ უნდა მიუკაჩხრეს
ნ. ბიჭუძე

³ სახელმწიფო საზღვრის შესახებ საქართველოს კანონით, სასაზღვრო გამტარი პუნქტი განმარტებულია, როგორც საერთაშორისო მიმოსვლისათვის ნებადართული გზატკეცილის ან გზის მონაკვეთი, რკინიგზის სადგურის, პორტის, ნავსადგურის, აეროპორტის (აეროდრომის) ტერიტორიის ნაწილი, სადაც ხორციელდება საზღვრის გადაკვეთასთან დაკავშირებული სასაზღვრო და საქართველოს კანონმდებლობით დადგენილი სხვა სახის კონტროლი.

⁴ საქართველოს ზოგადი ადმინისტრაციული კოდექსის მე-2 მუხლით, ადმინისტრაციული ორგანო განმარტებულია, როგორც – ყველა სახელმწიფო ან მუნიციპალიტეტის ორგანო/დაწესებულება, საჯარო სამართლის იურიდიული პირი (გარდა პოლიტიკური და რელიგიური გაერთიანებებისა), აგრეთვე ნებისმიერი სხვა პირი, რომელიც საქართველოს კანონმდებლობის საფუძველზე ასრულებს საჯარო სამართლებრივ უფლებამოსილებებს